

王鶴泉集卷之五

永嘉王健著

利集

代葉旗峯送蔣司訓之泗水

良晨饒我友乃在都城陰以言徃洙泗起爲鳴瑤
琴瑤琴亦何意猶存宣聖音泠泠七絃遍壇本發
叢林宮廟鬱相望門牆廣且深始悟椅桐樹千里
移人心請君抱之去曠世迥相尋絕響倘終繼重
與徽黃金

別王澄陽

之子臨當別惻惻傷我心我心亦何傷未遽解所

欽弱冠慕孔道寄心竹素林丹砂遺金鼎
求尋一朝授靈訣融光開此襟皓天舒白日幽
無停陰良時不久遇離鳥有悲吟參辰一以曠前
途廣且深願言各自勗日夕遲徽音

贈舒省齋

昔聞李伯陽昏悶本求靜末流遂沿訛回回類塵
影殷勤魯曾參爲世陳三省君子誦前言吁焉發
深警中情旣好修真訣乃獨領雲霓一以散日月
耀靈景從茲脫迷途翹足高剛境

還金爲楊翁作

俗化若山河滔滔日東鶩不見夸毗子貪迷竟誰
悟至入澹無欲覽時嘆沉劍遠觀忘形骸偶觸動
情慄金釵歸彭永寶帶返裘度迢迢越千年遙遙
躡芳步以懷惠物心乃眷彼蒼頡翩翩三鳳凰翻
飛入雲路德厚光所孚善積慶彌固由來有固然
豈伊朝夕故

呂梁篇

清夜坐不寐晨起理舟航舟航將何之竝流渡呂
梁懸波三十仞水德何軒昂震雷破山嶽玉龍怒
且翔頽巖激殘沫散亂明珠光纜夫各呼嘯篙師

亦彷徨乃知漆園吏著論非荒唐黃虞日以遠人
心不可常陷穿紛變幻機械浩縱橫老大未成命
齊汨空悲傷安得夏神禹爲世驅懷裏

贈敬齋陳尹

大道日陵夷末學寡克樹浮氣多冥行驕心無穩
步疇不勉斯須終焉變玄素翩翩三吳士於茲有
貞度曰予自束髮將循聖賢路錯然懷深悲欽哉
興永慕惺惺匪悟禪翼翼乃經務小大雖雜揉常
變亦交互金鞞制凌霄玉勒收飛兔檢括既精嚴
酬酢自暇豫豈伊襲芳譽庶以全良賦請看邃宇

題緣識賞心悟

過馮公嶺雜詩四首

飄飄谷雲飛冷冷澗水流水雲亦何心旦夕使我
愁憶昔離鄉縣迨今逾二秋形容日以變六龍去
不留墨翟非咸英楚王惡卞璆至懿不特遇志士
徒含羞井渫豈不食受福明王求攘袖啓篋筇攬
取雙吳鉤

山高多烈風飛泉懸玉流朝陽隔層嶺松竹何颯
颯嗟此倦遊子嚴駕增煩憂孤獸走故穴寒鳥鳴
索儔豈無逢茅室長路安足由金樽傾玉醕中饋

夙以脩去去勿復緩鼓瑟結綢繆

弱冠慕南嶽飛步桐竹林夙受牙伶秘取製管與
琴歸藏十餘載引領玉堂陰舟車不利往河關阻
重深鳳凰邈以逝山水杳且沉含章而未發能無
傷我心願因度層嶺隨風託遺音

嚴裝度層嶺颺颺吹東征山高上無極回步不得
平滴水激絕壑桃花凌太清與夫發長嘆來徃勞
爾形金門盛崇貴壁水富群英嗟哉傷薄劣何爲
徒自營雲霞羸白鹿九斗懸孤城誅茅在其下豈
不娛我情回瞻天北極旦夕秉精誠

秋夜集古句

夜中不能寐仰觀明月光衆星何歷歷北斗忽低
昂念子悵悠悠白露沾我裳大江流日夜怨彼東
路長弱冠弄柔翰拙生失其方持此欲何爲一旦
更離傷伏枕終遙昔夢見在我傍形影忽不見斷
絕我中腸願假歸鴻翼逍遙順風翔

李幼婦韓氏以死殉夫

婉孌彼姝子容好麗春陽辭家事靈修宛如雙珠
光私願借黃髮倚靡在君傍驚風飄白日玉樹忽
摧傷丹鳳邈以逝悲鳴遺其凰破鏡不復圓恩情

斷空房形留有離合神往無存亡相期遊息
月何悠長折竹振孤節凋蘭被餘芳魚水或時背
金石亦相忘平生緣結心一旦更乖常不見車馬
路及顧成丘荒永言感粉黛能無愧中腸

西門別侯二谷

揚舲出江渚篤言將遠離遠離何惆悵之子係我
思周周無高舉蚤蚤多緩馳聯雞發深省慷慨從
此辭義和驅白日節序逾以移豈不惜儔匹拔茅
以爲期引繩厲根格民生良非時椅桐彈朱絃翡翠
蜚英蕤斑虞倘終遇努力愛春暉

懷萱詩

北堂有萱草花發何歲蕤慶雲幕迴塢靈景耀其
輝君子侍花下盈盈酌金卮幸蒙青帝力歡宴及
良時玉衡指西陸天宇泝淒淒商飈一以厲倏爾
遂云萎春華不再至日夕霜露滋憂來何能忘淚
下紛沾衣矢言奉餘馥庶荅幽明期

贈川南朱翁

風有樂水性寄跡川南幽輪軌一以隔濯纓激長
流潛身想巨魚噴沫天章浮惜哉 聖明世不見
任公鈎酒酒俯東逝日下不可留乾沒類蹈禍浮

沉或承羞感彼凜梁嘆聊樂不爲憂芙蓉奉
宿莽檻中洲芳澤旣雜揉寒吾法前修洗心對
鳥千載締良儔

贈江臯彭子

日月互代謝火旻忽西馳荃蘭秘幽谷芬馨誰復
知矯矯美君子文采未彰施鳳凰飛崑崙崑崙鳥運
天也搏扶上無極覽德揚清輝天機不可度神物
固有時峴鳩竟何至榆枋昧前期君其抱明志終
始以自持

贈太醫院判芳洲袁子

騰駕邁塵鏡迢迢渡江水揚舲采芰荷褰袵扈離
芷中有辛夷楣杜衡紛繚起借問此誰居云是芳
洲子臨流懷濯纓雅志企洗耳一朝被回飈遠舉
金門裏濟物由道心康時本神理雖依日月光終
念煙雲美何時發冥鴻浮榮棄敝屣飄飄晤羽龍
奇齡自茲始

答季子

秋夜不成寐起步中庭霜曾颺薄林木孤鴈東南
翔衆星出有燦中見參與商遐心念君子各在天
一方金盤剖雙鯉照耀瓊瑤光芙蓉麗江岸宿莽

有餘芳嚴裝肅待旦採取報衷腸

賦得玉女峯寄壽鄭安人

有序

序曰玉女峯在鷹蕩山東谷爲第一峯谷外內有香爐鳳凰藥杵朝陽捲螺天樂金鼎諸峯有星河橋水簾洞皆環繞相向景象殊絕真僊境也自昔言壽者率歸諸僊李白嘗以玉女得白兔所搗之藥後天地而老鄭居鷹蕩山下故壽云爾

鬱鬱鷹蕩山乃在東海陬玉女宛高棲茲谷更深幽水簾下瓔珞香爐自煙浮僊路坐相接耿耿星

河流鳳凰旣銜命金鼎調瓊羞王母乘雲車繽紛溢來遊天樂奏奇音捲螺各歡酬六龍不敢驅朝陽正淹留臨風贈靈藥延年永千秋

世講會分韻得操字

山川鬱嶮巖都邑莫洪漢肅命叨敘欽振纓耻輝耀夙夜希崇賢涓埃懷未報維皇赫至聖斯德敷億兆飲啄遂遐邁謳歌樂長少嘉祥迭迺臻寶瑞逾云紹景文出青羅珍禽產朱嶠百辟政以成群工力攸効因之理通家于焉萃同好爰期屆白藏時颺鼓清嘯擊木改微頰鮮雲反輕皓選暇

雕堂披承歡雅寔造談叢緜添揚詞條綺花照
羹勺藥綜逸韻師滑料額紛康爵流清灑玄瀟何
迴筵五玉華綴砌九霞漂絡繹典勸酬芳馨榮娛
笑應多霜雪懷况足松筠操庶尹本夔龍大老原
周召堯圖積四綏孔猷係一調幸此托抽揚煌煌
永爲劭

莊居雜詠

遐盼極東園桃李開豔姿灼灼麗華屋靈景耀其
輝成蹊豈一夕涼薄失所依結廬龍岡下白茅陰
重扉蘭蕙緣緣幽砌芙蓉臨水涯餘榮發秋勁寧識

商焮飛豈不念荷祭淑氣捐涼威籍此晚凋福長
嘯令心怡

北極有佳人高居飡玉英

叶

天地以比壽日月與

齊光流波澤南國灑我以仁風

叶

感激發壯思仿

彿凌雲翔清晨駕言邁遊原招衆芳繁星綴層漢

鳴鳥停高岡前途局驥足攬轡徒慨慷六龍不可

遏人生非魯陽誰能久鬱鬱塊然守空房運流信

天道懷璞候晨良

蕩蕩乾坤鑪秀氣常細縵至寶託佳士持獻須殷
勤前席有賈誼棄繻見終軍鄧生恥遠道陸子策

奇勳春光耀玉樹六合揚靈芬平生少壯時
陵諸人歲月逼老大夢寐猶相親展足千里駿振
翼凌霄群矧茲萬物秀寧負百載身瓊琰晦道左
荃蘭翳江津神龍冀光燭汲食寒泉新

安石對棋局草木滋晉兵汾陽號奢慾匹馬胡塵
清古來曠達士談笑功已成經經王介甫徒爾求
垂名敝衣或垢面曾是安蒼生翻令呂鄧輩旦夕
躋承明青苗與保甲元元多哀鳴九原不可作何
由寄斯情

寄橫塘子

春空舒白日流光度南岑美人在咫尺悵望仙源
陰豈爲形骸肥卓犖俱遐心倚桐長絕谷翡翠巢
高林班虞不我棄庶幾常見尋翩翩玉堂旃雍雍
清廟琴良晨一云遇耀美流遺音藏器匪獨古待
時徵在今願言各自勗聊以託幽深

塘上行四解

菱傍河洲根蔓何綢繆結髮奉君子置我雲錦

詞解一朝成別離龍驤東西馳東西豈不返並轡

當何時解二岷山水漫漭滔滔江與漢同源而殊流

惻爾令心亂解三中夜起傍徨仰觀參與商斗酒足

爲樂道遠誰寄將四解

風木遺恨五解

鬱鬱慘不樂淫淫淚長滋借問子何恨言永與親

違一解親違不可見親養不可追泉臺一以隔忽忽

歲云馳二解冷冷莫桂酒濯濯布瓊靡彷彿但進拜

幽玄杳難知三解太山何巍巍滄海何瀰瀰山高上

有極海濶流有涯有懷在明發天地何終期四解思

莫爲太息悲莫爲涕洟塞予昧子道感茲風木詞

停章一再誦咄嗒傷心脾五解

朱節婦栢舟所吟九解

南國有佳人春光照玉蘂欽承嚴親命結髮事君

子一解君子諧以悅宛若鴛鴦與鴛鴦中道忽捐棄孤影

守空房二解空房豈不思有死赴冥約轉記分手言

母子相寄託三解寄託在一身殷勤敢暫輟歲暮高

堂上復爾成訣絕四解訣絕心轉摧大禍何重罹揮

淚復忍死眷戀在孤兒五解孤兒方弱齡我身將何

止豈無天倫親言依我伯氏六解伯氏勤願存匪伊

朝以夕靈景亦云邁我孤幸成立七解成立慰我心

庶以酬夫恩何期表宅里翩翩動朱軒八解朱軒一

何光我心一何悲長願四海人皓首不相離九解

海壇山圖歌寄贈王拱甫氏

東甌有九山上映九斗星海壇爲斗口獨跨在滄
溟海壇山前海壇子古貌巖巖亦山似心曾磊落
羅星文磬欬繽紛吐霞綺塌來於此托閒踪振衣
自愛山諸峰波濤湧出金砥柱雲霄削就玉芙蓉
倚觀吐吞雙日月出沒萬魚龍景象無邊歸掌中
仰天一長嘯意氣何其雄乃知人地自有合從來
遊賞空諸公邇聞山下復沙漲父老占知更出相
試舉趙宋及 皇朝前事皆徵不虛妄問君宰相
與聖賢二者並較何者先紫陽象山立天地要須

今古同鬼然逢時倘受商巖寄勳業隆崇分中事
亦豈區區徒矜劒履榮致使山靈及蒙愧誰人爲
此圖展玩有餘情題詩千里寄君去夜望星斗光
分明

奉送大司寇漁石唐公歸養歌

代作

激水流不徹清光萬丈遙後潤金華山前接錢塘
潮水邊舊有漁磯石明公曾把竿千尺千尺長竿
秋復春豈與鷗鷺同沉淪玉璜一入絲綸手舟楫
便擬開迷津自從釋褐見 天子白簡 先朝真
御史妖蛇盛斬氣自振神龍獨犯情難已今

上龍飛任老成漕河到處聞公名銓衡兵柄相
授出入數載操忠誠鳳臬悉辨宦途淨犬羊逐
邊塵清塵清五色勤詔使式旋坐使秋曹治片語
真看動電雷寸心直欲回天地 寵眷方隆遽請
歸萬里徃着斑斕衣望雲狄老心常苦廻馭王陽
願不違 陛辭卽出長安陌衣冠餞送道路塞
天語丁寧慰孝思傳誦人人皆動色相知亦有路
傍客竊有一言敢替白 君王尚聽鄭崇履人臣
可戀嚴光澤持觴旣獻北堂壽聞召卽行義始得
後茅爲忠古來有未有家事當先 國君不見綠

野起裴相洛下召文公君臣相得貴始終廟堂此
日惟國老江湖何地非漁翁寄語烟波舊徒侶苦
衣謾掃磯頭空

可竹歌贈同年朱華亭尊翁

我聞可竹翁乃在洪濛海若之東開門萬修竹恍
對湘江空翁心瀟洒無纖塵直與此君爲可人可
人贈以青琅玕何以報之碧玉盤玉盤進酒清飈
發飄然起步林間月綠靄平迷烏鵲橋海寧勝安橋舊名
翠濤遠撼鼉鼉窟新詩題滿謝紛華白頭幽獨情
無涯琴書自擁高賢榻車馬誰通逸士家可竹翁

可竹有如此耕雲斲雨豈徒爾請看籀龍上青霄
承家節操自此始五色春生海上煙良工取製獻
天子紫簫班管金門深東風吹動水龍吟 帝令
往奏雲間曲咫尺飛接平安音吁嗟飛接平安音
千秋萬歲布清陰但見日日芳樽開竹林翁乎翁
乎從今此竹倍可翁幽心

芙蓉獻瑞歌奉贈趙邦伯公

涿都夫子當世英詞 帝蚤歲登承明我冠長佩
日月下聲望十載傾神京 帝心明聖重民務東
甌五邑挈全付紫禁違看芍藥花黃堂來對芙蓉

樹仁風披拂遍游濱頓令枯槁回陽春真機流動
不自秘滿庭瑞彩占花神捲簾閱月斗午建金章
瞻映祥光絢仙粧不逐秋天晴葩遙媚南薰殿
一朝盛事傳齊民謳歌四起調麩賓望高衝歡雲
霞麗步近錦官風露新試問花開爲何事花不能
言示以意先期官舍賞名花越次 君門薦良吏
我聞草木得氣先之花之景非偶然芳名赫赫照青
史應與琴鶴同流傳

茅溪歌 有序

序曰健別金子之三載也子手書謂健曰

久不聞王生言矣予號茅溪生試爲我歌
健復曰敬諾請歌之。

縹緲括蒼山下有茅溪水白茅密菁叢碧水流清
駛天然幽勝如有待誰其居者金氏子金子卜築
一畝宮茅陰覆地溪鑑空芬馨坐挹荃蕙化渾轉
俯矚江湖通有時日長厥書幌滿座清風思蕭爽
眼中颯颯銀剪開耳畔泠泠玉琴響杜陵昔郭徒
棲遲柳州紀石非吾師三春終當入楚貢一曲未
暇歌邴詩請看坐茅釣渭渙手持玉璜振周紀只
今遭際 聖明時肯使前人得專美知君變化人

中龍風雲會起茅溪中堯堦稽首天咫尺甘泉奏
賦回重暉我從弱冠遊竹素拔茅幸喜君先路排
根復何憂連茹思依附君不見茅溪水飲鶴泉甌
括一派並檀東南傳真源千古共活潑清光兩地
相澄鮮

送友至京

翩翩仗龍劍駕言將遠行門前楊柳樹一夕春風
生春風吹送人千里片片晴雲馬頭起枚乘肯謁
漢諸侯馬周直動唐天子白玉橋前天漢長黃金
臺上斗星光曉來簾捲承明殿五色懸知奏鳳凰

石津圖歌

劉君坐我白日前畫圖咫尺當牕懸側身一望入
景象恍惚堂上開山川高山迥然出天際山下清
江白石麗雲暗疑有蛟龍蟠林深似聞鶴鶴喚傍
林結屋山更幽屋外岡勢緣江頭曲磴斜穿翠林
合長竿低拂清波流問君此景是何處伊誰得向
此間住落花不數武陵源垂柳真同彭澤樹君言
地名古石津吾翁避世棲閒身宦途未得侍行樂
彷彿乃托丹青人我聞此言重回視可愛丹青有
精思最是孤飛一片雲妙能寫出瞻親意君今奉

使遠還家君翁相見樂無涯更看津口扁舟繫宛
是天河八月槎

龍畫歌

姜子家藏古龍畫索我題詩苦無暇置之篋筍三
月餘常恐神物一朝化呼童亟取懸坐隅白日景
象何其殊碧窓迥覺納雲霧素壁忽訝翻江湖須
臾靈威較明著似欲上壁青天去佇看九色駕瑤
車想見五花殄錦樹幾回却走復前睇乃知不去
自常飛筆端信能奪造化目力未易窮天機昔我
江邊偶行樂回頭龍掛東南郭追思當日尚安閒

不若今茲遽驚愕問君豈出張僧跡點睛肯爲人
間留葉公室屋倘得此他時何悻真龍遊真假從
來貴分別雲鬢電目非虛設何爲宮沼喫蹉跎不
獨河津悲寒拙嗟乎人生頭角要展舒時來動業
還在予管寧偶爾淹木榻諸葛終當耀草廬嗟乎
龍德之士幸自信莫爲今古增欷歔

天目山人歌

君不見天目山高入天半空數點擎青蓮山人
養疴昔棲此雙目矇矓久失視一朝天河洗霧開
忽然日月還飛來偶扶藜杖倚山立滿前萬象皆

昭回從茲挾策別鄉里觀光重爲明時起共說河
陽新令君原是香山舊居士覆鳧暫向玉輪飛淨
榮遽謝遂初衣但將老眼觀終始不遣閒心着是
非自從山人已潛寐惟有山光落空翠行人朝暮
過山前往往能談當日事今人有病非古人古不
病心惟病身身病有來還有去心病終無置身處
古今只在轉盼間來者但看天目山

白下秋日寄張東泉曾月泉

塞鷹南來沒煙霧幾時已向廬山去長江秋落風
波寒鯉魚潛伏波深處榕樹雲開海上堂橘林日

照湖邊庄兩花臺迥頻回首千里相思空斷腸

愛亭余君行年五十其姻人周春菴氏持此
幅索余歌爲壽予自抱病不復留心製作
舊矣兼之冗奪益不能構思辭不容已遂
拾筆草草應命初不計其工拙乃若篝燈
夜半蓋實景云

近來畫史稱平山裂素揮毫頃刻間寫出長松蔽
幽洞望中竅穴龍鱗動松邊更着羽人行玉桃一
顆紅霞明栽培想自西王毋捧玩疑卽東方生蓬
瀛標格果何似蒼顏碧眼依稀是死有天風吹道

衣恍看雲氣隨仙竅愛亭余子今天民或言方朔
是前身逢時重下三千界闔世初經五十春春光
浩蕩從茲始已識人生行樂耳不用殫桃與餌松
但得登山併臨水余也從來聞愛亭篝燈試爲題
丹青詩成夜半開前牖坐對中天玩壽星

三溪行贈姜子

君不見邃古初天地猶未平廓回憑怒東南傾八
柱一以側晝夜奔雷轟浮波噴沫壓山下日月吞
沒無光明是時禹王行萬里山行水行亦勞止請
帝帝遣三應龍龍尾畫地山川理功成三龍飛上

天至今留下三溪水三溪水接甌海頭千載遺跡
真悠悠蓬萊東峙倒瀾影巫峽西下暹分流吁嗟
乎三溪有如此乃屬三溪水竭來搆溪堂坐攬三
溪美飲泉漱渚清道心芟服荷裳謝塵累長風北
來吹海城綺霞回首橫神京濟川久負舟楫志遺
浦悲忘玦珮情我生好遊極踈放訪勝何時到溪
上杜衡宿莽芳滿前一曲浩歌波蕩漾南征北走
無定踪感時激烈悲予衷只今天下萬水雖朝宗
江湖日下何終窮會當奏書達天闕更爲鞭起三
溪龍

贈周林子

告不見東南古閩越越江東下連溟渤漫漭湍湍
不知幾萬里縱觀疑直從天發元氣融流日月宮
雲間吐納魚龍窟玻璃白日含清輝有時風撼天
吳城轟雷噴雪奔萬馬三山倒影如翻飛吁嗟之
江之景觀不足千百年來富膏沃開神澗化理有
之何獨圓珠與方玉側聞君家正當此太宰源流
發伊始司馬參軍衍派長揚波乃復得吾子吾子
十載未輕出江上觀書閉書室年少曾開萬卷餘
正似三老書生日竭來一見鳳凰臺冰壺玉樹春

光開汪洋千頃叔度器渾浩萬狀昌黎才却言夙
負水雲債混跡魚蝦頗心快晨興嘯口吹鴻濛夜
坐饑腸吸沆瀣我聞此言笑指長江東請看今古
朝宗萬派同絲綸夙在手舟楫行收功顯晦本自
異事業當無窮越江越江如此真願從旣越之江
近與閩越通勢若相助非爭雄生來意氣吾與公
男兒處世要當爲蛟龍安能偃伏屈曲如沙蟲嗟
乎安能偃伏屈曲如沙蟲

吉泉行

併序

序曰蓋聞巴曲旣倡白雪乃揚鄙音已傳

黃鍾始奏主張風雅者不卽惡絕或取其
感引之功焉矧夫惡草利於早陳拱壁尤
珍遲獻非後先之倒置緣美惡之相形也
乃古泉有圖舟諸瑤冊鉅工哲匠未托性
情泉上廷尉孫公爰取見屬小子受之喜
協前義輒爲走筆無庸護醜寔冀將來若
乃泉龍見夢鱗鬣揚光亦紀厥實事云耳
不見仙洞山仙跡杳渺非人間中有石澗流潺
湲又不見赤豎嶺巉巖健步無由騁白日玉流懸
耿耿吁嗟乎石州源水從此生沿洄乃至吉泉平

天河直與共澄澈地脉真能擅靜清靜清下視幾
千仞錦石金沙鏡中認晚峯落影芙蓉深春樹光
涵翡翠潤美哉此吉泉西土無能先自從開闢來
妙賞空多賢一朝得屬吉泉子地靈人傑非徒然
側聞泉頭坐釣弄泉底神龍夜入夢日月照耀金
鱗開雷電喧厯玉鬣動神機先洩人龍知翻身萬
里赴明時瓊瑤價重甘泉賦環珮聲清太液池只
今官舍長安里心神日月對泉水李生解意爲寫
圖只尺山川來淨几吉泉吉泉莫嘆吉泉遠滃乎
河漢豈湮微請語泉龍舊知已好護當時千尺磯

長竿一以別可問苔成衣玉璜已際風雲會天上
王孫未許歸

王鶴泉集卷之六

永嘉王健著

利集

遊觀音閣二首

翠巘懸遐賞，珠林踐勝遊。
乾坤高閣峙，日月大江流。
飛鷁凌波迅，潛龍護壑幽。
關山時送目，霞彩邈神州。

曉度金仙閣，秋臨玉鏡臺。
翠峯標岸出，丹磴掛江回。
席挽煙光駐，盃傾日艷開。
登高堪一賦，真愧大夫才。

江上

官路斜牽舸，京江曲抱臺。風回汀草偃，日射浪花開。
遠島蛟龍避，長空鸛鶴來。清時重擊楫，誰負濟川才。

陳戚晚園亭宴集二首

曉日良朋會，春風貴戚家。珠垂花下露，綺結柳邊霞。
掛席珊瑚影，浮盃琥珀華。山亭臨水濶，疑是泛仙槎。

戚晚春光重，名園旦氣清。霧縈絲蔓細，日暈鏡波明。
錦帳流金罽，珠簾度玉笙。綵雲朱拱起，飛接鳳凰城。

挽郁公四首併序

序曰：水軒公之卒也，我溫大夫各詩挽之。僕從受讀，含哀昭德，觸物宣情，備矣。則爲之泫然出涕，曰：嗟！仁人溘逝而流頌方興，傷哉！小子不文，漫述諸公之意，輒成四章。語曰：悲歌可以當哭，健固以當哭。云爾。末章專敘已私。

甌海開龍泣，華亭見鶴歸。星文真變動，元氣竟衰微。
天地留青史，風雷護素旂。獨憐群父老，攀送淚沾衣。

海上黃堂計天涯素旆回鬱紆雲自繞嗚咽水堪
哀直擬循良傳真羞搏擊才異時一掬淚長灑向
松臺

星隕輝光散山摧保障空人方賴慈父天不借明
公稅駕丹青上旋旌白日中江門攀哭地疊浪動

悲風

白屋韜藏遠黃堂禮數隆每慚非賈誼何以動吳
公掛劍心長在聞琴事已空治平元有頌載筆備
觀風

遊白塔寺二首

昔慕黃金剎今瞻白玉臺天空靈籟發地靜法花
開卓錫山川定傳燈日月回凡塵一以滌隨喜許
重來

玉塔標靈境珠林闕古堂赤霞開野色白月引溪
光天地身仍壯風波意未忘何能登覺岸吾欲乞
慈航

登城樓懷古

危樓懸九斗登眺我還來夫濶文山廟風清子晉
臺暮潮金柝壯夜月玉笙哀俯仰情何限憑軒一
舉盃

退朝閒居忽憶村莊翠環挹清二亭悵然援
筆

我有村莊好幽心每不違竹松環翠色山水挹清
輝錦鯉時能躍瓊禽
煖飛獨綠憂樂在萬里博
朝衣

大將

大將鎮邊陲乘機萬馬馳雪霜森劍戟日月耀旌
旗票騎催前進輕車敢後期天驕追斬盡勒石始
班師

俠客

長安大俠客家世本幽燕腰橫萬金劍手揚七寶
鞭賓客常滿座公卿故開筵單于昨犯塞走探玉
門煙

退舍

雲捧雙龍闕星臨五鳳城進朝心獨懷退舍夢全
清豈爲青山約長懸白日情衣冠真忝竊况遺負
平生

送友

良辰餞我友以言歸去來請歌青玉案贈別黃金
臺一鳥日邊下片帆天際開知君盛壯氣行矣首

重回

禁月

夜杪金門闢秋清玉鏡飛九天消掩靄萬國被光
輝莫遣玄蟬動真憐白鴈歸惟應長自朗垂照早
朝衣

寺月

萬里升仙嶠三更到佛堂雲移金刹影風拭玉池
光旋起神龍臥徐回瑞鳥翔何當長奉此遍與照
迷方

迢遍

迢遞傳鄉信棲遲動客愁河山堪傍晚風雨故迎
秋鎮日王生襪經年季子裘猶餘壯心在未敢問
歸舟

寄中白兄

數問歸家信那堪作客情井梧秋自對池草夜還
生地迥風連塞天空月滿城無端南去鴈蕭瑟一
行鳴

和溫同年接本呈吳丹園司廳用原韻

玉陛清班散金門彩仗開雙龍蟠闕起五鳳度樓
來日月懸周道雲霞麗漢臺太平封事少翻羨馬

卿才

金水環黃屋瑤階接紫扉
荃蘭雲際聚鸞鷺日邊
飛端肅傳天語尊嚴對
帝威皂囊擊並出直惹

御香歸

別東華

倚玉非異姓斷金乃同情
何意雙龍劍俄分五鳳
城晨星曠野見春樹遙天明
請停連錢騎試聽離

鳥聲

夜思

寒牕迥入夜清漏宛乘風
客夢遙天外鄉心皎月

中燈花開自對書葉檢誰同
賴得長安酒愁來三
醉空

北關歲云暮東甌客未歸
每因看月出直欲順風
飛地遠悲瑤札天寒怨錦
衣徒將清夜夢頰下內
人機

上陵

陪從三公出瞻依
七聖遊松疑仙仗列雲
作御香浮北斗懸關壯
西山抱殿幽靈池源不竭
長銜九龍流

玉帛傳天府衣冠出
國門萬年周典禮七制漢

陵園月擁玄宮迥星依紫極耳翠華如在上瞻切
五雲屯

病夜

畫省羈棲地文園臥病身愁思家信切靜識世情
眞玉露秋光重銀河夜影新遙憐南斗下萬里夢
歸人

送夏子之白下

汝向金陵去言登江上臺青天島嶼出白日滄波
開龍虎鬱相抱鳳凰邈不來憑將古今慨寄我屬
吟衿

部宿

獨宿秋曹夜重門閉朔風燈光懸塔迥柝響繞庭
空漸覺瑤琴靜眞憐寶欽雄有懷寒入夢梅發遍
江東

寄吳南岡年兄

問訊南岡子年來駐壯遊結廬依鴈蕩捲幔對龍
湫喬木霞光繞孤峰日灑流山深還積雪曾否備
重裘

知爾從來性清修絕垢氛玩書忘歲月撫劍屬天
雲遲日蛟龍窟高風鸞鶴群惟餘飛動意將報

聖明君

灘夜

灘月淡涵輝中宵照使衣已瞻雲嶺迥猶望斗山
微鳳曲思瑤瑟鸞文夢錦機鄉心無遠近動處覺
先歸

與諸兄弟遊天柱寺舊基

共說天標勝人藏地界深水停疑玉鏡樹長卽珠
林虎臥禪機伏龍依梵語吟至今遺跡在儘可淨
塵心

贈淨社僧凝庵

淨社談空處凝庵入定居磬傳風殿迴幡拂月廳
虛虎伏通禪侶龍踏護梵書客來休誤認門有白
牛車

台嶺

台嶺躡雲煙探奇思灑然偃松屯翠蓋飛瀑下珠
簾地盡虹梁接天空鳥道懸班荆逢父老疑歷漢
秦年

登江心寺塔

寶塔插中天登臨思悚然萬形歸掌上九斗掛盃
前波定江開鏡雲空鳥媚蓮相輪非對說無上此

叅禪

仙源莊

仙里盤山曲，儒宮傍水濱。
林清疏落照，庭靜駐流雲。
過棹堪遙矚，鳴榔耐久聞。
機心渾忘却，終日對鷗群。

鄭丈宅十月賞菊二首

菊候三秋邁，追尋谷口來。
林霜催未落，簷日照還開。
彩艷紛披席，芳馨迥入杯。
雅歌將九射，醉賞各徘徊。

冬日秘秋光，益移菊滿堂。
風塵遮象管，月朶映螺

觴。豈是荒三徑，真期見一陽。
只愁蘭蕙化，歲晚擅孤芳。

遊金山寺二首

江面望崔嵬，中流鼓棹來。
金沙攢地起，玉鏡倒天開。
蜃氣聯香閣，龍光護講臺。
歸途覺岸遠，風浪正堪哀。

吞海登攀後，留雲坐悟中。
潮平春岸寂，山遠暮天空。
簷鐸鳴金鳳，梁幡挂彩虹。
慈航從此渡，重叩梵

王宮

遊鴻山公不遇遊園亭四首

竹靄遙牽艇松雲近拂樓山依仙掌列水學劍池
流花卉行無盡亭臺坐轉幽春風文旆遠猶此暫
淹留

拔漢蒼峯起穿雲紫磴迴名家藏砥柱勝地擁蓬
萊草向玲瓏掛花從窈窕開不須談九仞翹首仰
崔嵬

覽勝猶餘興登樓及曉晴湖帆天外過堤樹日邊
暵畫棟南雲起雕闌元斗橫緣知好居者久已在
蓬瀛

門外重呼棹橋邊更問津行探思不極言返望還

新林鳥啼隨客墻花舞送人渾疑金馬地元是武
陵春

上陵

建禮傳秋祀明光下曉班言追百辟後借徃七陵
間玉柱標雲壯金城映日閒龍眠千載地何幸得
躋攀

地拔皇畿勝天開帝寢寬殿爲七鳳峙池作

九龍盤劍鳥蒼山靜松楸白日寒神遊時命駕只
尺漢長安

春曹晚歸

春曹供事後晚道欲歸時寒照收城堞高風動樹
枝玉河魚上少金岫鷹來遲極目雲天遠何由寄
所思

署坐

日下虛簷景雲移曲檻陰門莎便臥馬庭樹悅鳴
禽弄翰罕公務凝香多道襟茲焉節物外何用賦
抽簪

瞻南郊與張尚寶甌江同作

地像層霄建天臨大路開紫金盤殿起碧玉抱丘
壘草色雲邊落花香日際來遠忻離下土竚望更

徘徊

送易臺山提學四川二首

西土隆邦教南宮簡 國良還將周禮樂重起漢
文章桃李巴山盛魚龍峽水長從來上臣志持此
報 君王

使節丹霄降仙槎碧漢行文星移劍閣化雨過郫
城山拔秋光迥江涵且氣清賞心多妙得願與悟
諸生

送姪必大還和州兼報中白兄

秋晚都門外倉皇出餞時塞鴻鳴太切驛馬去還

遲無計留行旆聊爲勸舉卮願言加努力別後慰
相思

奉報吾兄氏春曹頗愜情坐來松挂影聯起鶴傳
聲日照金樽靜風調玉軫清官閒職易稱兼得學
尊生

從雲麓文飲湖心寺

選勝依禪境啣歡列野筵雜英紛近岸平樹莽遙
天波日浮盃學峰雲駐管絃醉來情不極重擬汎
湖船

孝陵二首

壇表開天景園竝立極勳松杉蟠日月劍舄靜風
雲鳳起千峯合龍行萬壑分氤氲飛八奏時有異
香聞

龍虎千重抱山河四望開紫金浮帝寢白玉闕
仙臺雲像旌旗度風疑鼓吹迴靈源流自遠知向
鼎湖來

遊報恩寺題舊主僧圓勝壁

十載羈棲客重來叩梵宮琉璃瞻更淨瑪瑙步還
空龍礎長含雨虹幡不動風叩山當日鶴猶自戀
支公

夜雨有懷戴金峯

隔歲一爲別，入春音驛遲。
高城今夜雨，倍動故人思。
書葉翻香几，燈花落硯池。
朝來看新柳，托寄路南枝。

園畫

車馬寂無音，園亭隱境深。
魚翻池樹影，鳥步砌花陰。
琴奏聞流水，圖懸對列岑。
坐憐踈懶性，還似在山林。

亭坐

一從前月病，懶慢不堪言。
晝日長依榻，春風獨閉

門短垣垂柳，長幽砌落花。
存偶向園亭坐，翻憐鳥雀喧。

病後獨到寓園

秋近病身輕，朝來草樹清。
偶同大夫坐，還訪長孺行。
蟻學樓臺結，蛙將鼓吹鳴。
浮榮等何物，於此悟尊生。

秋夜書懷

天濶草堂清，吟詩綵霧生。
一燈懸夜影，萬樹送秋聲。
未上乞骸疏，空餘懷土情。
遙遙託明月，千里照江城。

秋夜

白露滴殘楊妻其草漸黃高風流畫角纖月度
林客病秋仍劇鄉心夜並長獨憐塔下菊猶自抱
遺芳

送金子脩

寶劍倚秋清雕鞍出舊京趣裝公子別贈策故人
情嶺路黃龍館江潮白鹿城何由逐歸旆落日片
雲生

郊居

豈是談玄宅幽偏與爾分砌花深映日簷樹靜留

雲蹤適通魚性清癯狎鶴群神交選子晉時遣玉
簫聞

會中白兄

湖海三年別風霜萬里來最憐鴻鴈渚乃在鳳凰
臺玉劍臨津合金壘昔郭開丁寧諭郵吏莫遣使
驂催

別建安尹陳石陽

上策忽不樂陳琳將遠行三秋離別思十載結交
情日下飛鳧影雲中去鴈聲有懷他夜月夢繞建
安城

秋夕二首

北塞曾颺起涼威一夕生長安萬楊柳樹樹作秋聲雲月遙移榻星河近挂城如何此時鷹併動故鄉情

北闕身猶寄南洲信不傳客心驚日月鄉夢繞山川河洗榆光動雲扶桂魄懸誰堪順風笛時落夜堂前

冬夜

竹牖迥凝香披衣坐夜堂寒風凌角韻淡月透燈光客夢隨天遠鄉心與歲長所慚恩未報起拭舊

書囊

借居郊莊四首

身閒兼得地性懶况逢時漸覺離塵遠翻嫌出郭遲雀羅張更適駒隙過何悲莫羨東園樹春歸蝶自知

野外少逢迎棲身宛自清移花兼致蝶問柳卽聞鶯不遣髭莖斷惟憐髀肉生誰能將此意浪寄與金城

路隔緇塵遠門扃白日長稍能謝官長亦可到羲皇修竹搖清影疎花送妙香良辰恐虛負時起理

瑤觴

出郭借郊莊居停愛古堂已知無趙李猶謂有裘
羊雀下重門靜鶯啼別院長獨餘江國夢攜友詠
滄浪

與旣冠山掌科茅鹿門司馬遊弘法寺

禪宮堪寄興况得賞心同浮白花臺上談玄竹徑
中雲生層壁迥日照大江空薄暮尋歸路山禽聽
不窮

送豐潤伯歸養

西北慈闈遠東南督府榮百年勤子職萬里動

皇明丹詔俄朝降朱旗急暮征攀留奔士卒設餞
集公卿道佩雙龍劍門依五鳳城碧瞳懸久望白
髮慰深情鸚鵡傳盃穩麒麟戲綵輕堂萱方日永
塞草未風清豈敢忘胡馬終當斬海鯨玉關瞻畧
著金殿奏功成帶礪申前誓尋常勒後名

君親原一體夙夜秉精誠

壽白省吾尊翁

灑落真仙客遭逢是聖王北辰分地切南極巨
天長元氣鍾龜鶴清輝照鳳凰綵衣趨錦席玉珮
奉金觴燦燦麻蒸飯冷冷桂汎漿教成家慶積時

協物華昌喬木標霞麗靈芝沍露香簾櫳停日軌
冠屨集星堂甲子知重啓風雲計未央願將金石
固長此奉龍光

雙玉賀張尚寶連得二子

柱石元遺慶璽符初兆梓抱持重得璞玩弄各爲
璋奎壁精華現璠璣氣色昌虹來成地寶麟降吐
天章瑟彼窺才美溫其卜德良門疑通若水宅即
擬昆岡會見連城易應非韞櫝藏鳴珂承緒遠班
瑞佩 恩長共道機雲後君家倍有光

吳氏泉石冊

聞爾耽泉石悠然勸予衰瑤琴春軫轉錦障曉玲
瓏淖約文章顯苔滋篆刻工環堦深帶雨羅戶靜
含風清澈銀河迥高存玉柱雄詎停趨海勢終見
補天功逸少傳杯穩奇章定品崇長謠非覓物懷
望意無窮

觀天台石梁題寺壁

人境塵踪遠仙橋石勢雄秋浮雲氣外晝亘日光
中直擬通烏鵲真看駕彩虹瀑穿花雨散潭映鏡
天空妙矚心初愜幽探興未窮迷津堪此渡重叩
梵王宮

題開元寺壁

十地人王界三天梵帝宮
蟠虹睛挂日鐸風香鳴
風靜轉金輪迥高懸玉鏡空
塔垂慈葉綠塢放覺
花紅瑞鳥飛簷外神龍出殿中
塵踪許隨喜取證
淨心同

遊江心寺

象外山門峙空中水殿開潮將浮塔去
島欲截江迴直擬通蛟室
還疑結蜃臺鶴林穿窈窕
龍樹拂崔嵬金色雲披席
珠光露汎盃游心融霽景
宦思散氛埃彼岸行堪到
茲流逝莫哀迷方一回首折

取覺花來

王鶴泉集卷之六